


Escrito por Redaccion @valminorinfo  
Venres, 14 Novembro 2014 22:45

---



O BNG vén de reclamar no Congreso dos Deputados un millón de euros para recuperar as baterías do Silleiro e indemnizar aos expropiados. O fan a través dunha [alegación aos Orzamentos Xerais](#) na que sinalan que o espazo patrimonial foi "*degradado desde su abandono por parte do exército español*", e reclaman a inversión para acondicionalo para o uso público.

O Bloque Nacionalista Galego, insta ao Goberno do Estado a que modifique os seus Orzamentos Xerais co fin de que se dote unha partida dun millón de euros que permita a recuperación do entorno das baterías de Silleiro, de tal forma que se converta "*nun espazo de lecer para os baioneses e baionesas e do mesmo xeito se chegue a indemnizar aos antigos propietario* s".

Sinalan que estes viron no seu día "*como o Estado Español, de mans do ditador Franco, secuestraba as súas terras sen percibir a cambio ni un só peso, nunha pantomima de obrigada*".

Lembran que xa no ano 2008 o BNG reuniuse con representantes dos afectados, na súa

Escrito por Redaccion @valminorinfo  
Venres, 14 Novembro 2014 22:45

---

maioría herdeiros dos titulares dos máis de 70.000 m<sup>2</sup> de terra expropiados para a construción da Bateria. Daquela a deputada do BNG en Madrid visitou as instalacións da antiga Bateria en Baredo xunto con varios membros do BNG e o presidente dos propietarios dos terreos afectados.

Posteriormente preguntouse no Congreso dos Deputados pola situación dos terreos de Silleiro, e da posibilidade de *"indemnización aos herdeiros e herdeiras e o futuro uso que se lle poida dar ás instalacións da Bateria"*.

Sinalan que a reacción do PP *"non se fixo agardar e dende o Concello se explicou na prensa que se estaba a colaborar cun grupo de espeleólogos para revitalizar e reutilizar as instalacións abandonadas. Sen embargo, dende o Concello non se fala do tema das indemnizacións aos familiares dos propietarios que se quedaron sen tomadas durante o réxime franquista"*.

Aseguran dende o nacionalismo que *"no 2014 e a situación sigue estancada, con continuas promesas e proxectos no aire"* desde a administración

do popular Jesús Vázquez . Repróchanlle ao rexedor non ter o *"valor suficiente para alzar a voz ante os seus no Goberno de España. Si non mudan as actitudes terán que mudar as persoas"*, afirman.